

香 齋

2022.10.18
3P
新刊

國朝

常昭合志稿卷第二十六



人物志五 耆舊

國朝

王澧

守烈 崇健 之麟

翁長庸 大中

錢朝鼎 瑣

錢裔僖

祖壽 上安 延宅

曾振甲 肇甲 祖愛 倬

翁需 與之 嗣聖

趙延先

廷珪 貴斯 本嶠

徐文蔚

許瑤 世忠 承恩 毅

蘇祖蔭

翔鳳 作

邵燈

孫魯 藩 德威 天寅 瀧 淇 鵬 鳴

泰

邵世茂

世泰 玉瓚

歸泓

孫承恩 陽

周慶曾

元 斌

吳元穎 文 燦

金逢瑞

陳鶴徵

王履昌

朱元裕 璋 夢齡

鴻勳

王鎡 文 潮

錢陸燦

陸士炳

趙再恩 廷 珂 祿

蔣伊

常昭合志稿

卷二十六

人物五 耆舊

一

翁叔元

是揆 是龍 是平 振翼

歸允肅 鴻

蔣陳錫

漣 洞 澍

蔣廷錫

陶元瀄

嚴虞惇

汪繹

魏士升

瞿孝春

瞿亮邦

朝 瑛 鈺

張瀾

陶貞一

陶正靖

敦 和

蘇本潔 去 疾 之 楸

汪應銓

歸宣光

夢 燿 景 照 朝 煦 元 培

席永恂 前 席 劄 雍 紹 元

陳祖范

沈淑

棧 藜 廷 熈

嚴有禧

邵大椿

榮 王 峻 大 棟

趙嗣孝

宏 誠 宏 璋 錫 孝 永 孝

蔣溥

熈 嘉 璋 繼 煥

元 樞 繼 勳 嘉 珍

謝晉

祖 庚

丁斌

王琛

陸 禔

許炳

錢大鼎

孫嗣孝

馬燦

錢鑿

趙森

貴 斌 同 翮

李纘

屈承霖

曾 發

錢以銓

程廷偉

張未

虞

給之旋委之麟覆勘鄰縣境復得應賑者數萬戶如所報悉予賑全活甚眾在官修文廟愛護諸生河標兵醉辱諸生白上官治之一生逋賦當斥之麟憐其貧與衣得二十金代之不足則以俸抵乃免乾隆二年安東復水之麟勘賑百餘日積勞病疫卒子崇木字近仁以副貢任貴州州判家之麟從子崇健字粹中隨之麟讀書官舍以官童補安東諸生後歸常熟性方嚴訓人有法度及門甚眾吳蔚光王家相皆其弟子也

人文
續鈔

翁長庸字玉宇號山愚少貧甚日或不舉火順治丁亥登第授戶部主事權蕪湖關溢稅四萬餘金盡數解部轉山東運同

常昭合志稿

卷二十六

人物五 耆舊

三

分司濱樂升長蘆運使叅政河南臨事敬慎待百姓如家人聽訟不厲聲色諄諄勸諭多感泣謝去先是中州下治田令州縣偽報起科至數千頃察之石田也亟請於大吏復其租役秩滿當遷按察使不願典獄遂告歸其貧不異爲諸生時也著春秋因是所作詩文有蓼野集子大中字林一康熙丁丑進士知上杭縣縣號難治大中潔已郵民輸賦向有額外公費大中盡革之又令納戶自封投櫃民皆稱便歲旱開倉平糶且捐米以給不能辦值者埋骨掩骼善政釐然卒於官

杭民醵金歸其櫬祀名宦

饒志參
陳陶志

錢朝鼎字禹九號黍谷父永達字益之服買荆襄載米歸值大

澇飢死者相枕籍永達倡同舟散所糴折閱而還客南陽白
洋河漲溺死無算又倡同舟捐棺埋之客淮上同舍生病革
以千金藥屬永達卒反其柩與金封識宛然舊志朝鼎順治丁
亥進士授刑部主事歷員外郎中升廣東提學道端士習正
文風爲天下學政最轉浙江按察使誓於神曰歸橐名一錢
立殛死桐廬有僕弑主移獄於主妾與一童子曰奸殺也朝
鼎視妾一弱女童子尤孱羸而僕爲之證其事目動言浮既
而得聞乃厲聲詰曰弑主者汝也僕驚具服湖有盜黨竄名
官署爲吏每鞠是獄恆左右之嚴訊則與諸盜互爲奸利刺
探獄情也超擢副都御史忌者託詞稽留欽案露章叅之會

丁內艱服闋補鴻臚卿遷大理少卿時山右有烈婦不受隣
人挑縊死已題旌而隣人僅議遣戍朝鼎爭之曰戍者異日
得生還出入節婦坊下有佚罰焉不亦辱朝廷而羞執法之
吏耶乃改論死朝鼎三爲刑官執法持平物望歸之歸而署
其扇以自警曰此生竟出古人下有志尙如年少時夙善畫
蘭竹及折枝花筆法腴秀子瓚字孚美康熙辛卯舉人知館
陶縣夏旱蝗生翼猶未成亟命捕之與民約捕蝻一斗給米
四升民間老幼男婦一日捕得數斛予米如約吏恐米不繼
請損之瓚不可如初民歡呼力捕不數日蝗無遺種僅費米
五十石耳上官乃通行州縣捕蝗皆如陶邑遂獲有秋瓚嚴

保甲革陋規其俗喜歛錢賽神名曰打網瓊懲而止之升戶部主事遷員外郎

言志

錢裔僖字嗣希號五峯明副使時俊子順治丁亥與兄子祖壽同登進士知嘉祥縣居二年歲凶賊夜入郭無所掠而遁裔僖具文自劾時祖壽權臨清盡獲入郭賊廵方御史曰庫帑無恙也印未失也令且歸矣對曰失庫與印當死賊闖入郭當罷敢僥倖乎遂歸祖壽字福先號三峯釋褐官戶部主事歷員外郎中初權臨清關再權北新關斂輸惟謹不以自潤晚歲耽味老莊幅巾藜杖摩娑古物酬接後進正色直辭不爲崖岸曾作晚秋詩寓意有菊黃蜂意懶蘆白雁聲高之句

常昭合志稿

卷二十六

人物之五 耆舊

五

祖壽子象鼎字爾介能文通易學象臨敦厚有孝行嘗試京兆以不見要人被詘意泊如也皆以諸生終

府縣志

延宅字大

士號咸亭亦時俊孫順治壬辰進士授行人出使寧夏湖廣升祠部主事常例考選臺員部曹不與庚子特與一體考選授御史巡視陝西茶馬請蠲苑馬各監積欠錢糧陳東南民力困竭請蠲荒糧禁預徵皆時之急務孫詒字庭堅醇謹篤學以選貢教習八旗子弟需次知縣卒

陳陶二志合纂

族人上安

原名孫愛字孺飴順時曾孫性孤介順治丙戌舉於鄉父沒蒙家難必伸其意而後已謁選除永城令始至人以爲貴公子不諳吏事未幾有殺人郊外者勘驗至再不動聲色忽值

天陰乃多從隸卒復驗之呼里正多假人兩具親爲檢點期詰期並詣縣領取失去者給價倍償及旦各認領原物惟一夫未得候價乃叱曰殺人者汝也其人驚服遂伏法蓋雨中殺人屍傍有釘靴迹而靴有缺釘三四道默識之所借物適符其跡焉一縣驚爲神明升大理評事遂歸閉戶不見一人

卽子孫罕見之

會志

子錦城字鏡先能詩

海虞詩苑

曾振甲字鷺公文學道生仲子兄肇甲字先乙副貢生考選知縣淡於仕進性孝友弟振甲等六人咸賴成立樂善好施年逾八十振甲亦以孝友聞恬靜寡言喜愠不形常誦程子人能克己則仰不愧俯不怍二語順治丁亥登進士時有要人

常昭合志稿

卷二十六

人物之五

耆舊

六

欲招致門下豔之以利對曰人臣委質之始何敢僥倖除貴溪令未任卒子倬字漢瞻早孤母周有賢行誨以道誼倬亦能自彊學性嗜濂洛諸書讀書古寺垂二十年探求立體致用之學氣象靜恭和易一時名士皆尙才華倬獨以涵養勝之文亦專尚理要康熙己卯鄉舉後赴春官試或求士於注修撰繹以倬對曰可得致乎繹曰此人不可以私致也倬聞之曰此可謂知己矣參議王繻屏騶從到門請爲其子師設帳官署無所私請著有左氏分編左氏列傳又羅古今文集撰習是編修邑志八卷孫敦復字敬之舉人舊志肇甲子祖變字飴孫以恩貢任當塗宿松學博變士如子升涼州衛經歷

以終養乞歸

言志

翁需字雲將蕙祥孫性方嚴不苟笑言中順治丙戌舉人教諭和州遷上杭令正風俗革羨耗禁蠱毒每讞獄反覆論以情理訟者嘗涕泣釋爭而去陳志兄晉字康成歲貢生晉子與之字曰可康熙甲辰進士官澄海知縣言志需從弟嗣聖字克凡懋祥孫也順治丙戌舉人官無錫教諭為人伉直力復先祠

舊志

趙延先字讓卿士春子由副貢授安陸推官遷真定郡丞時積寇高鼎踞常山趙郡間詭言受撫延先突入賊寨慰諭之見其詞色不定疾馳還入平山城申徹守禦賊猝至以有備得

常昭合志稿

卷一十六

人物之五 音舊

七

完擢萊州守升副使備兵鄜延年方強仕以親老遽歸色養

高堂人爭歎羨焉

錢志

子廷珪字禹玉號正修康熙癸卯甲辰

鄉會聯魁選知林縣時編審人丁胥吏請增丁博紀錄廷珪

曰我豈以一級功名為百姓子孫之累且開除六百餘丁行

取授河南道御史請勅學臣脩舉實政請禁郡縣捕盜小吏

逼勒供扳株連無辜又言子報父仇不告官而擅殺者依律

杖六十蓋為未經審抵者言如擬抵結案遇赦免死者又復

擅殺是目無國憲相報何時已乎請分別定例使情法均盡

又遇赦減等人犯既邀再生妻孥去留宜聽自便事俱施行

以艱歸未及小祥卒

陳陶兩志

孫友夔字爾諧康熙庚辰進士官

鞏昌知府友沆字亮工與夔同科舉人友夔子貴斯字協恭
雍正癸卯鄉試榜後搜卷 恩賜舉人工詩古文詞年八十
九卒有炳燭齋詩集貴彤字仲呂乾隆戊午順天亞魁貴興
字扶青癸酉舉人薦授國子監學正品詣沈靜文如其人洊
升戶部郎中保用知府以病乞休乾隆五十年恭與千叟宴
本嶧字子厚貴彤子少孤貧勵志苦學登乾隆甲戌進士知
洛川縣調蒲城擢潼關同知時兩金川跳梁大兵西討本嶧
供億轉輸不擾於民有孀婦憎其孫潛陷之於井而誣其媳
本嶧廉得實獄以不寃路旁屍有傷本嶧偵視草徑血漬循
其跡里許入村民家一鞠而伏擢知湖州府築隄護城力拯

常昭合志稿

卷二十六

人物之五 耆舊

八

災荒修郡志興書院嘗自榜其楹曰十年考下催科拙百事

持平聽訟難歿於任

陶敦
補稿

和貴與子曾齡爲安化令

舊
志

徐文蔚字宣采順治戊子副貢授汝寧推官治獄明允案無留

牘修學課士汝人稱之著有天中觀化集

陶
志

許瑤字文玉明祭酒士柔子順治乙酉舉於鄉授綏寧教諭王

辰登進士歷工部都水司郎中管衛輝等處河務擢知廣平

府分巡河西轉川北叅政著孝經約註一卷及竹广詩集子

世忠字貞服世孝字念皇俱副貢以詩名世忠詩力摹香山

世孝有隅一集

舊
志

穀字詒孫瑤從曾孫也父豐有孝行歲饑

潛典什器易粟供父而私啖粗糲且每食不飽對父忻然不

使知也手鈔六經課子穀少工經義推應舉利器登康熙庚辰進士選庶常出知垣曲縣垣爲僻邑訟庭清簡穀以師道自任口講指畫生儒環侍迄無倦容文風遂冠全晉士人稱爲許夫子乙酉分校晉闈所舉皆雋才濬東鄉沅河使旱地俱成腴田民賴其利稱許公渠丁外艱歸囊橐蕭然罕入城市卒祀垣曲名宦子朝字光庭號紅橋九歲失怙又三年失恃族祖漣教養成立昭文縣志年十六工詩古文辭鄂文端爾泰任蘇藩試七郡士第朝文爲冠乾隆己未成進士授廣西懷遠知縣升太平府通判署鎮安府奉 恩旨發回兇犯交安南安南饋土物力卻之兼署太平府以累罷起補山東德州

常昭合志稿

卷二十六

人物之五 耆舊

九

通判謁鄉賢祠黜明嚴嵩黨楊順木主順害沈鍊父子者也衆趨之輯州志若干卷乾隆丙子充校官稱得士書法得十七帖神著有紅橋古文集十六卷詩集四十三卷參唐縣志承恩字雄文穀季子出嗣爲易後能詩書法得外舅翁振翼之傳以諸生爲經師世家爭相延致年八十一應乾隆丙午鄉試

賜舉人丁未會試

賜檢討逾四年卒

吳蔚光傳

蘇祖蔭字芭詒父希式舉鄉飲賓每貸米於貧人不取息來糴者使之自量里中稱爲蘇自量祖蔭少出瞿忠宣之門儀狀秀偉議論高亮雄於文辭順治壬辰登進士授戶部主事督理清江糧餉廉辦精強爬剔利弊有梗之者內計鐫一秩補

山東藩幕官署泰安州事強項如故卒於任舊志子翔鳳字苞

九爲文有根柢屢黜於試勵志不衰嘗當食報罷遂不復飯

噉粥及餅餌者數年雖久不遇而吳下交推爲宿學多師事

之性伉直好稱人之長見俗士或面斥之及過而忘其爲誰

何康熙壬戌始成進士知沂水縣市抵任而卒子佑字受先

強直類祖父久困場屋往往發憤罵坐屈身爲小吏必以氣

陵其上嘗運口外所進羊毛至武備院暴露待命又不給運

費佑持狀伏闕欲奏之主者大駭即日遣歸陳陶各志參虞邑先民傳

邵燈字薪傳父梁字公輿暑黜篤學以孝友聞及門甚衆資束

修以養親教燈成名時母錢尚健在也平生敦睦宗黨從子

常昭合志稿

卷二十六

人物之五 耆舊

十

幼孤撫如已出八舉鄉飲賓燈弱冠登賢書江南賦稅舊簽

大戶收解往往破產燈議按畝貼役以官吏董其事條上遂

爲定例順治壬辰成進士除中書量移比部明敏無留獄律

比務從輕條康熙庚戌分校禮闈拔士皆時望外轉僉臬視

河汴宋間向開引河所上工狀率不以實燈親馳閱視計所

當濬者十之二三餘皆罷之省官帑萬計河工夫柳諸項八

郡協供頗有乾沒燈發論戒飭不致浮冒勤其官以沒著有

河防要畧曾錢陳各志

孫魯字孝若明布政朝肅子順治壬辰進士授衢州府推官西

安民祝廿五爲從子所殺埋屍滅跡獄久未竟魯廉得其實

案治如律其餘多所平反累升知大同府府近邊而俗朴民
未知禮魯首行鄉飲設立義學值三藩叛征調旁午魯飛芻
輓粟民皆安堵以母老乞終養尙書魏象樞歎曰家有孝子
國少一廉吏矣歸里後貧益甚杜門侍母色養備至會母病
卒魯哀慕逾年亦卒

府志參
縣志

弟藩字孝維高情雅致弱冠卽

以文章聲氣名動公卿間著有貽燕集魯子德威字畏侯積
學食貧與嚴太僕虞悳善邀至京爲掌院納蘭揆敘分纂書
籍凡所撰次皆稱旨方欲薦聞以衰老辭歸著有自怡薊
門竹西諸稿幻叟筆記知量錄識小隨筆稽古要畧彈詞輯
註德威子渾字岳生工書法宗邑中馮氏之傳渾子旃陰字

常昭合志稿

卷二十六

人物之五 耆舊

十一

道園乾隆辛酉副榜以孤介稱

府志參
陶志稿

天寅字雲含魯家孫

十歲能詩負其才目空一世雍正甲辰舉京兆試甲寅舉博
學宏詞兩江第一赴京未及試得疾卒著碧蘚齋詩集天寅
從弟瀧字巨源少從嚴虞悳遊矻矻汲古香不能省試虞悳
官京師寓書招之且資以行李却不赴著有讀史談助藝圃
春華並散佚弟淇字寶洲才名與兩兄相頡頏時稱三孫曾
一應院試卽棄去肆力於古藏書多祕本邑中推作手著竹
鄉詩集天寅子穉字元之亦博學能詩

舊志

鵬字南溟朝讓曾

孫弱冠補諸生試輒高等以歲貢教習八旗學授桐城訓導
年逾七十卒於官有來復堂稿弟鳴字廷元與兄鵬皆負儁

才兼工書畫領雍正壬子鄉薦一上春官以薦卷取中書旋病卒從兄泰字儒宗候選州佐性倜儻達於世務而臨事不苟從戚屬游滇黔雍冀間名譽甚著嘗拒奔女於旅館卻投金於暮夜進士湯愈志其墓云

陶志稿

邵世茂字羽萬祖復貞居邑東華匯村衆水所聚田苦不登復貞傾貲築隄捍水歲獲有秋鄉里德之父文禹樂善好施兩舉鄉飲賓世茂順治乙未進士除韶州推官除煩苛剔奸弊絕苞苴勤訓六邑之士申明道誼嶺表文風丕變康熙癸卯分校稱得士以疾卒官

縣志

曾孫世泰字季醇康熙甲午舉人

考授內閣中書升侍讀歷刑部山東司郎中東省有爲父仇

常昭合志稿

卷二十六

人物之五 耆舊

十一

殺死怨家者已照殺人律定擬世泰駁之曰齊襄復九世之仇春秋大之今子復父仇情既實應減等 朝廷是其議遼陽剽獲者不問首從概配煙瘴至則多死世泰惻然欲差等其罪請以財主及頭目罪如律從犯概減一等從之擢貴州平越守值苗疆兵燹之後氓俗凋敝前官請發籽種千石大吏以軍需不許世泰曰民固而後能守今此數百萬窮氓其迫與軍需等力請給三千石歲亢旱奉檄採買屯餉復力疏寢其事經畧素重世泰故所請靡不從百姓德之居官十三年敝車羸馬衣裘僅蔽體卒後官橐罄如苗民裹糧舁櫬至鎮遠登舟始去子玉瓚字廉夫諸生父歿承父志不受賻萬

里扶襯歸克盡哀禮性謙謹生平不談人短讀書至老不釋
管藝歷代沿革輿地說年八十三終

府志參
家述

歸泓字雪庵紹隆孫順治乙未進士授歸德推官行取擢部曹
丁艱服闋補儀制司主事議論持大體時有畫工追摹世
祖御容朝議欲優以七品官泓持議當勞以金帛不宜輕
予爵位其不阿類此

歸氏譜

從子楷字令樹諸生束修好古以

名檢自持

陳志

孫承恩原名曙字扶桑明高州同知森孫自爲諸生卽負重名
以選牘文體不正除名順治甲午復以明經魁順天鄉試戊
戌魁南宮以第一人及第時承恩弟暘舉丁酉北闈方被劾

常昭合志稿

卷二十六

人物之五 耆舊

三

遣戍臚傳前一夕世祖閱承恩卷甚稱賞拆卷見其名問
學士王熙與孫暘一家否遣熙疾馳至寓面詢學士故與承
恩善因語之故且曰升天沈淵決於一言回奏當云何承恩
慨然曰禍福命耳不可以欺君父學士歎息既上馬復顧曰
得毋悔乎承恩曰雖死無悔學士疾馳奏上喜其弗欺遂
定魁首承恩秀眉聳肩目光四射臚唱日見者皆稱得人授
翰林院修撰數被顧問眷遇優渥己亥分校禮闈旋隨
駕幸南海子賜駿馬騎從大風揚沙馬驚逸遽中寒疾卒遣
內大臣哈問賜金歸葬承恩性孝友文工六朝詩學溫李書
法歐陽年僅四十人咸惜之弟暘字赤崖少游文社名與兄

將以科場事爲人牽連謫戍尙陽堡恭遇 東巡獻頌萬餘言 召至幃前賦東巡詩試以書法深加贊賞大學士宋德宜疏薦不果用久之還里所著有蔗庵集弟昱字玉池爲諸生有聲陽坐累時奮身救解傾家財佐之平生醇謹篤誠雖當窮困浩然自得

府志參
縣志

周慶曾字燕孫祖於藝素封好施輿以徭役落其家父士宏字養素壹意治生復舊業以養父母以孝行聞慶曾中順治戊戌會試念父母年老試訖即歸辛丑父遣赴 殿試仍乞假歸居十二年連丁內外艱亦以孝行聞康熙壬子補內閣中書分校京兆試戊午舉博學鴻詞科授翰林院編修分纂明

常昭合志稿

卷二十六

人物之五 耆舊

四

史攷核精詳甲子主浙江鄉試未入闈卒著有研山遺稿祀鄉賢子涵貞字乾一副貢任永州通判孫元棻字大章以監生修書議敘授知義烏縣任事勇決擒治豪惡孟選臣斃之杖下合邑稱快以憂歸補廣西灌陽縣升梧州通判卒於官

錢陳志參

陶志稿

吳元穎字宗美順治五年選貢知青城縣以寬仁爲治民咸德之

言志

曾孫文燦字師聖質樸好學資志以歿

虞山人
文小傳

金逢瑞字天符父增舉鄉飲賓逢瑞力學能文順治間歲貢授碭山訓導造士有方嘗抗言於碭令及上官直汪明珍之冤獄釋陳舜之盜誣邵汪中岭之酬金修葺聖廟政教俱善碭

人祠於學宮稱樂飢先生知縣

錫山志 參錢志

陳鶴徵字青田順治間貢授上虞知縣初入境會大旱即徒步四十里禱雨龍潭兩立澍境有虎患是日自斃吏民咸神異之除劇盜厲租二及巨憨牛二四境得安歲餘罷任鶴徵不以罷黜為愠顧以地方疾苦驛卒舖兵營債鹽引除害興利未竟厥緒為愧作古言十四條以告來者

陳志

王履昌字鏡宮號安禮傅臣子順治己亥進士令南漳郭外巖谷深廣據險結砦者長子孫於中每相仇殺有徐必達者與其屬王純不協純忽手刃必達大吏奏聞純負固不赴質履昌用計擒之國法伸焉著有四書原旨讀書燈子恪武進士

常昭合志稿

卷二十六

人物之五 耆舊

五

任四川遊擊

會志

朱元裕字護仙曾祖士達官雲南昆陽州同父洪基字爾開諸生慷慨樂施人稱其德元裕寄籍嘉定順治庚子進士授知蒲縣豁除前令虛報田賦諸生以貧鬻子女於富室者為贖之山石可成鐵募工鍊鑄民賴其利康熙辛酉分校張泰交鄭崑靈柯榮庚皆其所得士行取觀政刑部告歸卒子文龍字方賡以舉人授內閣中書同知南陽府卒於官

言志

瑋字鳴

之元裕從父國學生順治時軍興貸餉瑋請獨輸五千金勿擾鄉里子鴻勳字却塵讀書負氣時議加派折漕鴻勳以諸生奔懇臺垣得損去淨價鴻勳子雲集字方來與弟雲昭勤

學纘言年皆不永雲集子王鉉字佑咸太學生博聞有識陳祖范修昭文志嘗與編纂所著濬白茆議黃香墓辨識者咸推服焉昭文志文潮字信濤瑋五世孫倜儻豪俊以副貢教習八旗游京師十餘年士大夫多願與之交游幕解州勤習吏事及任富川知縣決獄精審人皆驚爲老吏以勞卒官夢齡字玉書文潮從弟性敦厚爲學務求實際家貧以前母久歿而不克葬兄夢熊出贅不能以婦歸常蹙然自咎年十六遊庠不赴舉者十年乾隆壬子一試中式有啖以不義財者厲色卻之徧貸戚友得五十金人謂將備資斧應會試獨營葬前母迎兄嫂歸逾年以疾卒年二十七士類惜之言志參天真閣集

常昭合志稿

卷二十六

人物之五 耆舊

夫

錢陸燦字湘靈泮之元孫父顯忠字蓋侯幼孤事祖母及母至孝周恤親族曾遺浙人遺金三百品行爲鄉里推重以諸生

終

舊志

燦高才嗜古經義清真以副貢舉順治丁酉鄉試第二

科場事發覆試者再燦皆前列未幾以糧案絀誤友教毘陵金陵間弟子通籍甚衆學者稱圓沙先生詩歌骨力雄厚古文不名一家晚年借徐乾學王日藻秦松齡周金然尤侗黃興堅孫賜爲耆年會燦無位而齒最宿名最高諸公皆兄事之賦詩贈答善畫者繪圖紀其盛年近九十兩眸青碧無疾而卒有調運齋集及邑志二十六卷子蜚熊舉人

舊志

陸士炳字胥仲父廷祉字萬舟諸生強毅特立家世貴盛恥因

人熱士炳康熙庚戌進士知通江縣入爲文選主事稽勳驗封員外郎風裁峻整繩舞文吏不少假意所不可往往與堂上官力爭必伸已見乃已居家門無雜賓人稱其介

舊志

趙再恩字申卿文毅公曾孫倜儻有大志句通申韓之學康熙

十二年赴楚制府蔡毓榮之招會滇逆犯境陷賊中得間脫

歸謁制府具陳賊中形勢及偽將李長祥張足等計謀蔡遂

偕見督師順城王因共密奏奉旨召見授饒州府通判歷

任九載署浮梁信豐尹咸有政聲

會志

子廷珂字聲佩少時即

博學多能琴棋醫術無不精通尤工詩善書壯歲游京師與

太倉吳暲等相倡和澤州相國陳廷敬有當今第一人之目

常昭合志稿

卷二十六

人物之五

耆舊

七

令校祕館諸書後謝病歸有雲海集

王峻府志參雲海集序

祿字慎卿

再恩從弟性孝友母病刲臂肉以進讓產於兄恆至斷炊處

之怡如也嘗自郡歸見一婦啼岸側若將投水者亟呼詢之

曰夫所遺三金暮被竊今無以爲生復恐夫歸受辱耳即罄

篋中修脯畀之以孝廉終嘗有澗南詩草二卷子聲武循謹

有父風

汪應銓傳

蔣伊字渭公號莘田明禮部主事蔡子康熙癸丑進士選庶吉

士甫釋褐卽上所著玉衡臣鑒錄散館授監察御史巡視中

城時南方用兵城邑殘破疏請責成有司招徠開墾課戶田

爲殿最又以奸民挾仇借叛逆以陷良善請嚴反坐律又集

民間疾苦繪十二圖以進復疏陳難民狀言臣請假回里見難民千百爲羣哀求取贖此等被掠之人並搜之深山村落初非得自賊營請嚴禁將弁掠賣男婦所過地方敕督撫一面截留一面參劾其論銓法云捐納知縣原出一時權宜其人未必無賢能而不可不加選擇請未選者責成吏部試以身言書判優者按次除授劣者給縣銜俾爲佐貳其已選者責成督撫一年之中試其才守行保舉法否者斥之並請將捐納知縣例亟行停止 上覽圖及疏爲之動容復因地震疏論六部積習遇有銷算案件要求貨賂意爲高下請嚴加飭禁又言災管迭見 乘輿不宜輕出宜口御便殿咨諏治

道以飭官常求民瘼時江南江西洊饑上救荒策大指謂賑濟之法莫善於分莫不善於聚縣各爲賑勿聚於府鄉各爲賑勿聚於城人各爲賑勿委於吏臣於康熙十年曾賑荒於鄉設廠三所活者多所耗者少城中設官廠二所活者少所耗者多此其明驗也又其目在緩催科通商賈興工作養孤老埋骼皆爲五疏上之先是聞逆之變禁兵駐蘇城以供調遣人皆苦其驛騷伊疏言內地不必防禦以身家力保無他虞得撤回郡人德之二十一年授廣東糧儲參議革耗羨禁餽獻除差徭日賣乾魚自給誓不取民間一物集諸生講業書院及諸義塾月有會旬有課人爭向學會 詔求學行兼

優者充督學九卿舉伊以應遂遷河南提學副使既至頒示教條崇實學正文體杜絕請託所獎拔皆寒雋 御賜懷蓋興文額二十六年卒於官中州士立祠於大梁書院東伊見義勇爲篤於倫誼居家孝友待親族故舊有恩有文集十八卷

府志參李元度先正事畧

弟信字吉人副貢生

翁叔元初名梅字寶林號鐵庵憲祥孫父毓芳少孤家艱屢作伯氏亡匿毓芳慮驚其母泮泮如常而陰以其所有爲伯氏費會大疫鬻屋以施棺槨有名家女鬻爲婢贖歸嫁之遇被劫者僵臥雪中解已絮衣衣之忍寒而歸叔元績學工文尤精制舉業天下傳誦其文與韓菼齊名康熙丙辰魁南宮以

常昭合志稿

卷二十六

人物之五 耆舊

九

一甲第三名及第授編修戊午典山東試得人最盛以俸深歷坊局詞臣敘俸由此始升祭酒疏請復積分法令諸生習禮容肅觀聽而嚴懲其不率者尋定朔望釋菜禮嚴課試六館之士咸彬彬焉三遷爲吏部侍郎充 經筵講官旋拜工部尚書部多積弊有十年不銷算者乃請六部司官分董其役牛載積案一清請假歸再起刑部尙書所平反全活甚眾叔元在翰林爲某院長排擊後某董下河之役赴部銷算啖叔元以利却之不苟覈也某御史徧劾京朝官且及其子叔元微言於衆曰仁人所弗忍也御史呼名辱言之無何坐規避事當送刑部叔元獨不署名曰罪止革爾無可加遂免情

恕理道多類此致政歸卒 賜祭葬祀鄉賢叔元少貧困補
諸生以例除名連蹇不得志屢瀕於死族叔長庸延之中州
官舍始理舊業年及艾乃登第十餘年致位正卿歸田後優
游林壑者又數年著鐵庵文稿楚園詩集 陶志參
先民傳 子是揆字
敘百是平字壽天俱有儁才能詩善畫蔭藉高華而樂親風
雅所交多素士是揆仕沂州知州是平仕廣安知州升刑部
員外郎先後歸里日與親故歡讌以壽終是揆子悅祖仕桐
城縣丞是平子企祖官廣東鹽運知事續祖舉人歷任四川
浙江知縣叔元從子是龍字允言官廣西懷遠知縣摧強字
弱甚得民心負其才氣多所凌忽以累去 陶志 又從子振翼字

常昭合志稿

卷二十六

人物之五 耆舊

三

樹復號迂伯漢廖孫也康熙丙子舉人官內閣中書工詩文
藝術靡不精究書法入晉唐人堂奧著論書廿則 陳志

歸允肅字孝儀號惺厓明比部起先子少凝重寡言笑康熙已

未以一甲一名及第授修撰辛酉主順天鄉試糾諸同考官

誓曰毋奪於威毋誘於利毋率前恩毋邀後報所拔皆真才

刑部尚書魏象樞昌言於朝慶其得人日講缺掌院屢列名

上請未俞允一日 上於袖中出片紙則允肅名也進講周

易毛詩進止端請敷奏明暢睢州湯斌歎曰講筵得正人天

下攸賴矣升中允歷侍講侍讀至少詹事與議政事持正不

阿以病告歸卒於家子宗敬字端士諸生恭謹撲茂推鄉祭

酒歸氏自起先以進士起家祖孫父子三世列祀鄉賢府志

志鴻宇既垣允肅從子爰煥為人質直記覽該博詩文詳贍

著有經疑史測鴻登康熙癸未進士知西華縣報最內擢未

謁選遽歸鴻少貧窶既官貧如故坦率有父風詩文書法俱

工已上俱
照文志

蔣陳錫字文孫號雨亭伊長子康熙乙丑進士除富平令關中

大饑力請賑濟他邑或委胥吏鮮實惠惟富平戶散而人給

之官帑不繼佐以家財故饑而不害治最擢禮部主事監督

海運倉除糧艘例納篷蓆銀遷員外郎總河張鵬翮薦佐河

務投濟寧道革河夫供給各衙門薪柴弛湖陂葑菱水利之

常昭合志稿 卷二十六 人物之五 善善 三

禁歷天津淮徐道遷河南按察使讞決平恕部下有老狐賊

雜平民中戕殺行旅務面抉目使不可識慘毒甚於他盜痛

捕窮治道塗以安升山東布政使旋晉巡撫都縣災荒不待

申報而緩征之疏已上山東鄉試解額時不過六十名疏言

先聖舊邦不宜居江西福建下因得廣至七十餘名舊給買

補營馬價不足所司苦賠累疏請得優給長蘆鹽使請增引

臨清關使請添設收稅所並疏陳其不可事俱不行擢雲貴

總督滇南土酋常應運有叛萌興兵擒斬應時撫定礦廠或

矟老山空而課額不減疏請礦衰即止勿為定額常德至鎮

遠險灘數十處倡屬捐金鑿平之又旁開溪路以避灘險鎮

遠至雲南三十二驛山路嶮嶽郵程艱苦下令非緊公務不得濫索夫馬諸所施設禁止遐邇稱便自以年力向衰方思乞休會銜命勞軍衛藏未至衛藏百餘里憊甚不能前語從者曰我死不足惜恨未達王命奉職無狀耳遂卒天性孝友待故舊有恩義居官不以崖異立名而所至盡職御賜清慎勤及敬一堂額子漣河澍浩昭漣字檀人號省庵康熙己丑進士選庶吉士授編修與修康熙字典詩經傳說彙纂充會試同考官時征策妄阿拉布坦漣捐橐駝佐軍進中允督學河南輯中州視學記畧校閱勤慎遷侍講疏請易廟以黃瓦又請倣朱子綱目纂明史綱目累升太僕寺卿奏

常昭合志稿

卷二十六

人物之五 卷二十六

三

添牧廠二十四處馬駒蕃息以年老乞歸自少至老勤學敦行出言煦煦惟恐傷人周郵親舊恩義兼至卒年八十四陳世洞字愷思少以諸生隨父任即究習經世之務康熙癸巳成進士授工部營繕司員外郎歷郎中時西陲用兵承命製皮衣帽數千及駱駝鞍屨尅期竣事擢雲南學道革棚規除苛令以父任總督當迴避生童奔顛巡撫得畢試去任奉命赴軍前辦事至陝購糧運往西鳳捐增價值迅速辦竣補涼莊道時諸軍皆集城外洞徙民入城捐資賃屋以棲兵兵民皆安檄調西寧衆環留不得發諭以軍命乃聽行大將軍益器之大軍西行由大通河洞倡建大橋以濟行軍無阻尋

丁內外艱以西陲未靖請終制不許羅卜藏丹津者番夷渠魁也涼莊生熟西番連結蠢動河以涼莊五郡汎兵俱赴戍城中空虛乃疾馳至莊浪料簡精壯千六百人造給鎧仗火藥又團練涼州永昌鎮番古浪各村堡得六千餘人聲勢壯盛大將軍倚之檄委統領涼鎮各鎮官兵士兵會同進剿副將以下咸聽調雍正元年十月誓師於定遠城分兵爲三諸道並進轉戰於棋子山山爲賊之門戶勢陡險洄佯若仰攻而別選銳卒繞出其背遽奪其山梁前後夾擊殺賊無算餘衆遁入鐵包城城四面峭壁前有仄徑後臨大通河洄兵攻其前礮轟其後殲賊之半於時羅卜藏丹津進逼西寧分隴

常昭合志稿

卷二十六

人物之五 耆舊

三

甘涼諸處番族應之河又檄涼屬鄉勇捍禦而自移師武勝爲聲援逆夷遂遁猶恃阿損一族爲凶暴乃統兵銜枚躡其插帳處出不意殲之遂搗其巢阿損平諸番帖服會蘭撫綽奇劾洞虧帑 朝廷嘉其功置不問升山西按察使轉布政使臨晉民抗糧負固方調兵往勦洞親詣其處曉以禍福民皆釋械誅首惡六人餘釋不問奏免大同十一州縣重州草束脚費並免馬邑縣邊地積欠地丁尋以侍郎銜往肅州協辦軍需洞念裕餉莫善屯田體訪河道有高臺張掖口外數處皆宜種植黍麥引黑水可資灌溉繪圖以奏報可於是開三大渠列斗門數百以引水闡壩橋梁復以百計五閱月工

成留屯二年墾田三十餘萬畝請銷工本僅七萬兩三年中與屯戶平分之糧得十五萬餘石公私饒給言者以河侵帑誤工呈吏議總督查某鄂某交章雪其誣河已卒蔣櫛志 澍字音傳好學能文才名與伯仲埒以例授刑部員外升兵部郎中用薦試詩文稱旨授長蘆運使管天津關以廉幹稱卒於官浩字廉叔官德安知府傳志 漣子楷柞楷字端木雍丙午舉人柞字漢五少年力學侍父京邸以孝稱楷子熙字載榮任山東按察經歷選嘉魚知縣未赴卒熙字鏡寰任浙江鹽大使升安化知縣卒於官勲慶陽知府曾孫基培字厚載終東平知州澗子榆字玉材有至性母病日日飮之五年得

常昭合志稿

卷二十六

人物之五 首舊

詩

愈任寶坻知縣澍三子柞榕欄柞字廣蔭九歲能文雍正庚戌進士官工部主事監督裕豐倉榕字韓庭以通判授兵馬司指揮降補東阿縣丞欄字桂洲亦雍正丙午舉人歷任直隸行唐邢臺知縣皆以醇謹世其家言志

蔣廷錫字揚孫號西谷以己酉生故又號西君伊仲子少負才名康熙己卯舉順天鄉試以薦在南書房行走癸未特賜進士遷庶吉士授編修遷贊善歷侍講侍讀學士內閣學士充經筵講官雍正元年遷禮部侍郎尋調戶部四年晉尚書主順天鄉試丁母艱起復視事六年拜文華殿大學士仍兼理戶部事加太子太傅充明史總裁庚戌典會試特恩賜

一等輕車都尉世職年六十四卒於位當廷錫內直時值
國家稽古右文編纂羣書並付勘校博學精敏同輩推讓常
叅扈從備顧問佐禮部時凡諸鉅典諳練掌故叅考經籍議
上多稱旨及爲戶部與怡賢親王協心一力剷除宿弊部
務肅清明習吏事周知四方利病案牘必親裁嘗患運河阻
滯留心體訪以臺莊至濟寧天井開資沂泗洸三水灌注天
井開至臨清會通開則資汶水灌注自會通開北至青縣則
衛水經流而皆微弱因條具泉湖節宣濬蓄之道兼採前人
分漳濟衛之說五事上請下九卿集議多採行又奏查京通
各倉其存歷年漕米一千三百五十餘萬石計每年進倉米

常昭合志稿

卷二十六

人物之五 耆舊

五

四百餘萬石除支放俸餉約餘米一百餘萬石今各倉廩座
充盈若再遞年餘積必至露囤紅變請每年揆陳發米一百
萬石分給局廠領糶所賣錢文每錢局留一萬串循環兌換
餘交戶部於八旗兵餉內酌量搭放有餘則各衙門公費照
例悉給錢文倘遇裁漕蠲免之年量行酌減發糶通計京通
倉常有一千三百萬石之米足備四年有餘之蓄每年以百
萬石或數十萬石出陳易新則天庾無紅腐之粟民間米
價亦可免昂貴錢法又常得流通得旨允行輦下翕然稱
便西陲用兵軍需調度機政填委廷錫勇於任事應時立辦
以此最被恩遇所賜御書扁額曰黼黻絲綸鈞衡碩輔萬

機賢輔他賞賚不可勝紀及屬疾醫藥勞問之使相望於道病狀日再馳奏訃聞輟朝一日遣大臣臨奠內府庀喪事加祭一壇謚文肅所著有尙書地理今釋又青桐軒詩集破山集皆少作通籍後多未編錄少與馬元馭游寫生甚妙頗自矜重不輕落筆也性豪爽所得俸賜周卹親知不少吝官達後田宅無所增歿後人多思之

張廷玉墓志新府志

陶元淳字子師其先自崑山來徙世有隱德父世澤字彥節精於醫家貧而施德不責報

舊志

元淳少英敏有經世志於古今

因革利病無不講求康熙戊辰舉進士廷試對策請減東

南田賦詞極剴切閱卷者抑之除廣東昌化知縣始至逢歲

常昭合志稿

卷二十六

人物之五 耆舊

美

旱徒步禱峻靈山雨立降縣有浮糧四百餘頃賠累且百年力請蠲除不能乃勾稽本末作昌化浮糧考奸民隱佔飛灑愚民重困乃行清丈法兩年始竣作魚鱗冊剷除公私陋弊作會計經費錄創立墟市集商賈勸開墾招流亡時行村壟間親問疾苦加恤窮民縣故與黎人爲界舊設土舍制其出入官吏因緣爲奸利至是撤去令有冤者得詣縣陳訴一權量定法度黎人樂業蒞昌化之次年攝知崖州游擊余虎縱屬爲暴守備黃鎮中非刑殺人索黎人獻納無厭元淳據訴詞列款上之虎以百金餽不納因造蜚語聞於總督下瓊州總兵平之鎮中令甲士劫元淳左右駭遽元淳不爲動怒叱

之鎮中氣懾獄成鎮中得罪將吏由此少戢在官日市韭一束饗殮常不繼喜接諸生講論率至三鼓以勞卒官年五十三喪歸渡海遇瓊士赴省試者百餘人因護柩行陽春有悍卒爭渡諸生呼曰此吾師也誰敢先者卒懼而竄祀昌化名宦祠著有南崖集四卷廣東志十卷明史傳數卷其制舉文風行海內學者方之金正希陳大士云

府縣各志

嚴虞惇字寶成號思庵明兵部主事棻之孫父熊字武伯少為明諸生棄去遊歷邊檄縱情詩酒晚年里居與名流酬倡楷書得外家文待詔之傳與修邑志及江南通志有詩集陳志虞愔康熙丁丑一甲二名及第授編修己卯科場吏議牽連左

常昭合志稿

卷二十六

人物之五 耆舊

三

官愿大理寺副正故事廷尉屬惟為刑曹署紙尾不能有所執爭虞惇遇會讞務覈實情九門提督陶和氣以通倉盜米案欲鍛入其怨家檀張三重罪虞惇力持不可卒從末減內務府二格殺人移獄於塾師徐天榮奏當將成虞愔方在告廉其冤上書爭之且曰腕可斷題不可畫也力疾強起執二格訊之流汗伏罪京師稱神明辛卯典試四川同事拱手仰成三遷至太僕少卿癸巳典試湖廣搜闈牘萬餘卷榜發雖被放皆厭服竟以勞卒虞惇為人秀眉長髯瘦弱如不勝衣及至論列是非辨文字得失掀髯抵掌能使人氣懾其學原本經史旁及百家尤情於毛鄭之學折衷羣說著讀詩質疑

三十一卷附錄十五卷刪定文獻通考詳節二十四卷詩古文詳贍有體經義以理氣勝後學多師尊之居間曹蕭然四壁而士之贅文字就品題者趾相屬客退卽兀坐一室丹黃不去手至老彌篤列祀鄉賢昭志子鑿字汝礪增貢生宗學教習密字宏道英敏好學中康熙己卯舉人旋卒年僅弱冠言志汪繹字玉輪號東山原籍休寧父新都知縣錫爵始來徙繹於康熙丁丑魁南宮聞父病亟星馳南還已不及視含殮哀毀特甚庚辰廷試以一甲一名及第授翰林院脩撰會丁丑庶常散館同列者方利於敘俸繹獨持議必讓前輩先就職士論賢之凡館中著述皆稱旨疊蒙賜資癸未分校禮闈得

常昭合志稿

卷二十六

人物之五 耆舊

美

查慎行等十人旋充纂修朱子全書官以母思歸遂請假乙酉 聖駕南巡簡在籍翰林官十人校刊全唐詩繹與焉事竣旋卒繹臚唱日馬上口占有歸計詎謀干畝竹浮生只辦十年官之句適符其讖著有秋影樓詩集府志參彭定求集子國士字芋堂清姿玉立風雅不羣早卒孫玠幼孤尋失恃號泣思

親竟咯血死

言志

魏士升字允恭浣初曾孫康熙庚午副貢充教習除秦安知縣當事重其能文命子弟師事之己而軍興轉餉自甘州至巴里坤五千餘里經涉大漠士馬陷砂磧中輒沒不得出土升獨最先至鞞袴握刀謁靖逆將軍將軍嘉勞之凡輸運者三

勤勞甚著當題敘會他帥至不果尋以俸滿行取至京卒子
啟萬諸生清貧恪謹年八十卒孫兆昌舉人

陶陳
二志

瞿孝春字青雷忠宣公會孫康熙辛未進士爲縣令以廉靜得
民初知餘干服闋補寧鄉縣貢黃絲絹歲糜千金請於上官
奏免之監司蒞任例求夾山馬卽屈產也無馬則納價孝春
不予亦不納價事遂絕政事之暇未嘗釋卷日與諸生孜孜
講論兩地文風興起攝介休厚給驛馬芻豆價紓驛卒之苦
當代還兩邑民交爭之卒於任子士鑑字德操以老孝廉貧

困以歿

陳志

瞿亮邦字敬六孝春族姪父人龍字公簡有深識明季瓜步戒

常昭合志稿

卷二十六

人物之五 耆舊

五

嚴禁行舟無出京口窳或賄守者偷渡人龍勸欲渡者曰不
可未幾江風暴發舟盡覆諸從其言者咸慶瞿君生我亮邦
以例授山西萬泉令慈惠誠慤樂與諸生講論六師西討軍
行所需皆捐俸預備升中書舍人假歸卒

昭文志

子朝瑛字若

虹考授州同嘗遊粵東遇贛李燦文欲以女妻其子朝瑛弗
應閱二年李病急促議姻或止之朝瑛曰見人危疾而背之
不仁竟諾之攜子就婚焉瑛子鈺字二如恩貢生少有文譽
老彌好學著有周易通釋西征草黃山紀游粵東草間遊草
性孝友諸弟咸賴以成立年八十二而卒鈺子濟字右曾能

詩以諸生例任臺灣巡檢

家述

張瀾字斗南陝西蒲城令少年筮仕吏民易之不逞之徒橫行市上瀾廉其魁置諸法餘皆帖服 聖駕西巡上官檄治馳道瀾以地非孔道不宜先事騷動不奉檄曰若有罪令請當之大吏嘗讌其屬卒然謂瀾曰聞江鄉多產木棉未之見也出一素篋投瀾令寫其狀瀾泚筆爲木棉二本令更題之瀾立成四句曰盡道木棉好還愁地不肥關中百萬戶卒歲半無衣大吏嗟諷良久欲薦之而瀾遽得病卒

曾陶
陳志

陶貞一字駿文元瀆長子幼卽工舉業徐乾學何焯輩深加咨賞登康熙壬辰進士改庶吉士授編修念母老欲乞假時禁詞臣不共官次將有處分大臣止貞一投牒貞一曰若以養

常昭合志稿

卷二十六

人物之五 耆舊

三

親獲罪何恨遂歸雍正初被薦與修明史分纂仁宗朝紀傳稿具復乞歸張廷玉固留之貞一不可乾隆初就職半載休致還鄉凡邑中利病必向當事侃侃言之常昭初議分縣貞一按全邑大勢以東西分治條七議上諸當事疆域以定白茆久湮議濬貞一言宜濬白茆之裏河至北港口導之使歸徐六涇入海建巨閘以拒渾潮則費省而功可久其他有益桑梓者知無不爲古文辭集稿皆手自刪定有退庵文集虞邑先民傳詳慎緻密論者謂有陳范之風

王峻府志墓志
參正靖行狀

陶正靖字穉衷號晚聞元瀆仲子隨宦昌化元瀆以事謁幕府適邑有寇警城墉壞正靖遂集匠日夜繕葺完固父歸奇之

文筆爲何焯孫勳輩器重與兄貞一齊名雍正四年常昭初分縣當事聘修常熱志迫計偕稿未梓庚戌成進士改庶吉士授編修壬子分校北闈世廟上賓王大臣議禮推翰林習掌故者二人正靖同江右萬宇兆所議皆施行乾隆丙辰典四川鄉試明年擢監察御史首疏請豁昌化浮糧得旨俞允克成父志凡所論奏俱得體要輪進經史說悉遠稽古義邇陳時事其論相業人才學制幕僚等篇皆言人所難言一歲中由鴻臚卿歷右通政左僉都御史尋擢太常寺卿召對以論魏廷珍事鐫級歸教授吳門逾五年卒正靖讀書務在實用所作古文奏疏雅健條達性高伉官翰林七年桐

常昭合志稿

卷二十六

人物之五 首節

三

城張文和掌院事因兄貞一房考師避嫌弗登其堂西林鄂文端雅重正靖強招一見不再往也遇人無粉飾是非所在盡言不避篤於友誼能赴人之急而自不治生宦歸囊空如洗中年喪耦不再娶不置姬妾著晚聞存稿詩經春秋說常

邑志稿

王峻府志願鎮墓表參自敘

子敦和字魯直乾隆戊午舉人知南

平縣調龍溪升敘永同知性孤介與人少可多否居官屏絕苞苴甚得民譽顧不善事上官左遷鄧州州同歿於中州旅次著讀左隨筆於三傳得失疑誤多所發明刻有吉光編古文稟承家教典茂深雅嘗纂修邑乘人物士論謂其敘次有

識

參魏兆蕃行狀

蘇本潔字幼清佑子舉康熙癸巳順天鄉試雍正五年以保薦
試用閩省署晉江令戎帥縱卒虐民擒治不少貨幾爲所搆
調知侯官縣值歲祲首請題留江南漕米十萬石運閩接濟
行順莊滾催法民便而課足閩省至今通行焉七年擢知福
州府引見條陳便民四事上喜顧大學士曰閩中州縣
第一人言不虛也既抵郡大吏倚如左右手凡十郡疑獄必
令覆讞手批口答判決若神將題升臺灣道以母老力辭未
幾得疾請告弗許請調簡許之移守興化聞母病驚悸疾遽
革本潔體貌豐碩美鬚髯善談論聽者忘倦詩有黃楊草少
攻左氏傳撰疑義一卷子可慰貢生

邵齊然狀

兄本忠以孝友廉

常昭合志稿

卷二十六

人物之五 耆舊

三

讓稱本忠子去疾字顯之晚號園公乾隆癸未進士選庶吉
士散館改刑部主事出爲貴州直隸州署都勻府八寨同知
以逸獄囚罷官逾年引見以原官起用遽引疾歸去疾清
峻孤立曉暢事理當安南黎氏爲阮氏逼篡孫文靖爲粵督
將討之去疾與之書曰虛聲不可讐強悍鄉鄰有鬪閉戶可
也取之爲貪兵殘難有端將爲我患文靖迂其說弗聽後乃
大悔嘗主講山西河南書院老而歸以詩文自娛有集六卷
夙工書腕力蒼勁晚年病目泚筆暝揮行列欹斜風格彌上
惜抱軒集參

虞鄉志卷

去疾從子之楸字真牧能詩文兼善書畫以貢

候選教職早卒

言志

汪應銓字杜林其先亦休寧籍祖九漪字紫瀾邃皇極經世之學以爲祝泌發邵子之覆而說多異同亦有異而不相悖者爰本廖氏算由聲音起參祝氏之說布圖系解錯綜經緯歸於三才理數自然冥合以開究萬事又著七音類集立誠書雪中集述梅圃詩文集平生論學以心得爲宗晚遷常熟卒前九十日自言其期蓋理數冥合之驗云列祀鄉賢應銓幼英敏甫就塾課書四十行語師曰我尙能讀稍長從陳董策曾倬遊所學益進康熙戊戌登進士一甲第一人授修撰直南書房以父所著續經世說諸書進呈未及散館擢贊善分校春闈應銓熟於經史爲文章蒼古典奧詩淵源選體而出

常昭合志稿

卷二十六

人物之五 耆舊

三

入於韓蘇書法圓勁秀逸歸里後主講鍾山書院與修湖廣

江南通志著有容安齋詩集六卷子世灝副貢

蔣漣狀

歸宣光字念祖號吧懷允肅孫宗敬子康熙庚子舉人授內閣

中書遷侍讀擢御史轉兵科凡所論建大率謹廉隅杜積弊

不爲苛刻近名之舉奉命巡察湖廣請墾卽襄各處及苗

瑶谿峒曠地給民牛種前後共墾水旱田十八萬四千二百

餘畝民賴其利以新闢永綏苗地米少山水險迅苦於輓負

兵民日用不供請於藩庫撥銀二千兩交官採米運倉平糶

以備不繼又陳沿江沿湖水汎塘房旣慮水患移居高阜兵

隔水次不便巡警請添巡船往來駕駛以備倉猝擢鴻臚寺

卿右通政進通政使乾隆己未充 殿試讀卷官故事非甲
科不與宣光以乙科三任其事升戶部右侍郎歷吏兵工各
部遷禮部尙書署吏部調左都御史終工部尙書辛巳 萬
壽盛典集諸王大臣年至耄臺者爲九老之會并繪以圖宣
光名在第六明年卒於位年七十二 諭賜祭葬諡昭簡宣
光性謹恪遇事和平練達未嘗矜己傲物亦不肯詭隨從人
晚年創立常昭會館里人至京者有所依庇 史貽直狀 子五夢燿
熙朝煦景照恩燕 言志 夢燿字寶傳讀書刻苦佩服樸素爲諸
生退然自下不知爲貴介也乾隆甲子舉於鄉大挑分發甘
肅知隴西縣時征準噶爾過境兵絡繹預規供頓居民安堵

常昭合志稿

卷二十六

人物之五 耆舊

語

善治獄盜發劉氏冢推按更得遺年殺人事調寧夏復值平
定回部凡馬駝牛羊布繒芻茭藉以取辦用不足捐俸給之
不以累民丁繼母憂服闋補江西建昌縣分校鄉闈城郭倉
儲學校書院次第修舉二十七年補陝西米脂縣調長安新
疆甫闢使命往來如織夢燿衣短後衣騎一羸馬終日奔走
郵亭間暇卽治文書以勞得疾擢興安知州力疾赴省聞興
安山水暴發官署民廬一夕漂沿大戚曰吾民其魚乎徒步
謁撫軍請勘從行至寶雞卒年五十六 邵齊熊志墓 熙字緝之能
書山東鹽運司經歷 言志 朝煦字升旭由廣西布政司經歷升
郎陽通判乾隆己亥豫省河決大吏奏調補曹儀同知旋改

曹單同知署歸德知府睢州下汛十三堡隄潰朝煦承辦東壩時工緊料少議移運西厰料以濟急需而水急舟不能渡乃於東岸釘大鐵索達於西岸料舟挽索而東遂得速運東西壩相距十餘丈須兩旬葺事夜忽聞震烈聲往視則壩上有漫水壩根不動乃急集夫捨鑲黎明出水五尺薄暮卽合龍凡五日夜而工竣升濟東道以平度州案呈誤左遷曹州知府尋升直隸永定河道調山東運河道以曹縣盜案失察事罷歸嘉慶庚午卒於家年七十四

石府志

景照字映葵歷官

至浙江布政使護理巡撫清介絕俗所至屏竿牘絕苞苴政聲卓著由丞倅起家洊膺疆寄以失察海洋械鬪案奪職遣

常昭合志稿

卷二十六

人物之五 耆舊

壽

成任浙藩時嘗爲昭簡公營專祀於塔浜及自戍所還無家可歸卽寄居祠旁屋行李而外圖書數卷而已一時清節海內稱之

家述

恩燕官正定通判

言志

夢燧子升基字寅谷茶陵知

州元培字曾毅工詞賦善書尤精於篆乾隆三十年南巡召試二等賞緞二疋以四庫館議敘任廣西州同署龍勝

通判天圻字岳封鑒古精審工壁窠書炯字葆真奉天白旗

堡巡檢能書

歸氏世譜

席永恂字漢翼父敬寓字文夏官虞衡主事自洞庭東山徙居常熱性孝友居官治辦以將母歸生平好施予賑貧救荒率先倡導列祀鄉賢永恂生而沈靜寡言笑與弟前席受業於

陸清獻公皆能深思默念求實踐之學爲陸門高弟追隨十有六年清獻歿刊其遺書行世以例候選國子監助教前席字漢庭八歲能詩時值暮雪父命賦詩應聲云光搖窗不夜風定樹飛花父大奇之以例候補內閣中書府志永恂仲子釗字對揚雍正癸卯進士選庶吉士薦脩一統志授編脩以艱歸遽卒釗工文詞敦孝友重然諾常爲人貸錢二百萬其人遠宦不歸破產代償遂至大困亦不悔也兄鎬字渭南附貢生博學工詩不樂仕進弟鏊字寶箴以舉人授內閣中書書法適古詩文清簡有竹香詩稿四卷陶志前席仲子雍字嗜仲以例授刑部員外郎遷郎中出知鄖陽府時方議開墾屬邑

常昭合志稿

卷二十六

人物之五 耆舊

美

承風增數虛報雍行部覆勘汰其不實者願謂諸令曰君等一時邀功獨不爲小民異日計耶擢陝西督糧道署按察使臨潼大猾康某淫殺數案問官聽其巧脫別捕民陳姓當之雍察其冤督屬詳鞠論康如律尋入爲刑部郎中告歸卒於家雍子紹元字大之嗣雍兄京爲後以四川鹽庫大使署彭山縣民間輻輳引江水灌山田不勝勞紹元鑿通山泉築堰溉田萬頃民德之紹凱字獻之以舉人歷知山西聞喜安徽宿松等縣精於治獄所至民懷工文詞時藝雍弟襄字成叔任兩浙運副襄子紹容字敬堂以例授戶部山西司員外郎

慷慨好施周卹親族有祖父風陶志

陳祖范字亦韓號見復國華元孫祖煌圖喜藏書父逢午字方中驚行好學祖母范病足日踞而摩之范撫之曰兒壯矣何其似幼時也他內行多類此平日不苟言笑及語道義輒反復極論終日不倦教子讀書以立行爲重曰當知文藝外大有事在易簣時命其子毋請諛墓文毋作佛事所著詩文甚富兼工楷隸通志祖范生而穎異年十二賦錦衣歸故里詩落句云緼袍吾亦適長揖對公卿足概其一生行檢爲舉子業得江都郭嗣齡長洲韓葵同里嚴虞惇指授而祖范意在抉經之心見道之卓其形於言者允修而踐之而非徒外之文也雍正癸卯年四十八春鄉秋會連捷中式遽以足蹇告

常昭合志稿

卷二十六

人物之五 首舊

七

歸僦居華匯研究經傳於時天下開設書院遠近爭致書幣邀主講席然皆終歲爲期不獲已再往旋託故去蓋以士習難醇師道難立不欲以此糜廩祿也晚歸邑居年七十三矣乾隆十六年 詔舉經明行修之士中外署四人名以上祖范衰然居首 賜國子監司業以年老不赴祖范冲淡元素與之交如飲醇耐雖囂陵躁妄斷斷不可人者對之輒心融意釋平生於六經三史及唐宋以下諸儒論著披尋研味纂鈔不倦爲文謹於持擇而於說經加慎謂披拾餘瀋旣不可安憑臆妄談彌成痼疢著有經咫掌錄文稿皆經進呈又詩文集昭文志今並行世子鑒字道光歲貢孫景字介爾廩貢

候選訓導俱有文行能世其家

參顧鎮傳畧

沈淑字立夫號頤齋先世吳興人嘉靖中有名校者為福山營遊擊卒於官遂家焉祖萬育字和卿事母至孝明末負母避兵遇盜奪其襦母不與盜將殺之泣而求代並免之鄰失火延母寢母疾方劇萬育號痛呼天風反火息母年八十餘病危篤醫者皆曰法不可治萬育割股以進弗瘳夢緋衣人告曰有凌某在雙林速致之凌至一針而愈曾建湖橋設義冢皆成母志也卒年九十四臨終惟呼父母不置雍正四年以孝行旌淑自幼即能遍讀諸經註疏宋元諸儒經解雍正初元聯捷進士選庶吉士授編修以峭直少合又善病乞歸養

常昭合志稿

卷二十六

人物之五

首節

吳

母杜門著書嘗論世嫡承重之義大宗小宗之辨支庶為後之禮張蘿峯繼統繼嗣之謬其言閱博精確所學尤長於詩周禮儀禮撰周官翼疏又輯陸氏經典異文春秋三傳異同分國地名職官器物及註疏瑣語名曰經玩制義亦貫穿箋疏扶翼經傳雖病手不釋卷歸四年而沒年三十有三桐城方苞與淑同給事武英殿雅相契合特郵文銘其墓

府縣志參

方苞墓志

子棻棻字欽伯號宗婁工詩文兼精書法乾隆丁卯

舉於鄉值生祖母喪不預計偕勸駕者謂服生祖母承重律無明文棻泣然曰禮順人情而已父既不獲終養棻代父守制可乎辛未登進士二甲第一改庶吉士授編修署日講起

居注官擢右春坊庶子兼翰林院侍講先後典雲南湖北鄉試充鄉會試分校者再出爲河東兵備道夏縣白沙河發源中條山出巫咸谷西流而南入姚暹渠水盛時漫延村落并浸及鹽池棊議建石堰水患以弭蒲州南郊柳溝山地爲民間業營弁請作牧場棊親勘得實不聽擢河東鹽運使鹽池被災後鹽產不旺商力頗疲棊請開六小池并買運蘆鹽以接濟又以隰州大盩永和三處土鹽不過池鹽半價奏請改食土鹽民無却配之擾商亦不累卒於官

彭啟豐狀

棊字中叔謙

恭和易不以門第自矜善畫

虞山人文續鈔

棊子廷焯四庫館謄錄

布政司理問廷焯字庸堂嗣欒後刑部員外郎隨和琳剿湖

常昭合志稿

卷二十六

人物之五

音節

弄

南苗匪擢知岳州府調長沙升汀漳龍道未抵任以失察處

分左遷河東監掣同知所至以清惠聞著有成案備考從政

名言等書

家述

嚴有禧字厚載號韋川虞惇孫鑿子雍正癸卯進士授河南涉

縣令時總督田文鏡政尙嚴厲屬吏望風懾憚有禧強直敢

任事擢知山東濱州田故與東撫岳濬不相能陰屬有禧察

動靜有禧曰吾豈能譖人以求進乎竟無所白遷萊州守擢

登萊青道調糧儲道丁內外艱服除補岳常豐道民隄湖旁

洞陂爲山水勢盛輒潰漫而民以墾闢請者相繼兩院下有

禧勘狀有禧言此皆游食好事之徒欺隱愚魯恣爲科歛及

至決溢告災求賑與胥役表裏爲奸因條上其弊圍湖之議
遂格澧民蕭六表告所怨劉太玉譚如山及諸生車禹殿等
有逆謀軍門某聞知遽捕繫生等會將肄兵於澧民訛言兵
至相率驚竄有禧察其誣立爲伸雪縱遣而歸馳書帥府止
其兵澧民乃安擢河南按察使調貴州以疾解職疾平復爲
河南按察使調湖南坐累鐫級歸有禧持風裁容止威重及
居憲司綱紀肅然與兩院平議庶政進退屬吏正色諍辦無
所回撓而讞鞫之際更務矜恕常恐枉縱人皆憚其剛而服
其平少貧困及仕居處儉約歷官三十餘年家無贏資所著
有延緣存稿東萊紀畧淫刑兩鑿等書

邵齊肅墓志

五世孫忠培

常昭合志稿

卷二十六

人物之五

首舊

四

字心田由軍功歷任鳳陽當塗天長舒城太平建德縣知縣
所至有政聲任當塗時值江水大漲設法護隄得免淹浸後
大官圩潰決大吏復發帑檄忠培至當塗修治工料覈實二
十餘年無水患民尤德之以母老乞歸卒年六十六

家述

邵大椿字履久少好學受業長洲何焯雍正癸卯會試下第是
年有覆閱遺卷之命拔其尤者賜進士大椿與焉選南陽
知縣抵任數月以不能附和上官卽謝病去性落拓不問家
人生產既以遊宦罄其貲猶好客且喜調戚友之急無子邵
氏自新安來徙科第自大椿始從子榮字持國受業大椿以
舉人發雲南試用知縣署同知事雲南向有六河灌溉七邑

民田年久淤塞聚建議挑濬前此荒區還爲沃壤補保山縣以造士愛民爲意上官重其才令兼署騰越州騰越爲漢津要衝關稅甚重聚綜理精覈奸吏惕息題升威遠同知未任卒榮居官洗手奉公沒無餘貲同人襄助始克歸葬

陳珏成志墓

王峻字次山號艮齋祖應祥父志學世有隱德力行善舉峻少受業陳祖范之門陳雅重之舉京兆試授內閣中書雍正甲辰登進士改庶吉士充一統志纂修官散館授編修歷典浙江貴州雲南鄉試改御史拜命三日卽抗章劾臺長素行不協人望直聲震都下會丁內艱遂歸杜門十餘年當事重其名德爭延講席歷主安定雲龍紫陽書院以古學提倡後進

常昭合志稿

卷二十六

人物之五

耆舊

聖

所賞識後多知名性剛褊視時俗依阿畏蕙者流不欲爲伍而人有一事一節之長則稱賞不置究心經史考訂詳審尤精輿地之學於九州山川形勢雖足跡所未到咸瞭如指掌嘗謂水經正文與注多混淆欲一一釐正之而唐以後水道之變遷地名之同異酈注所未及者則據正史及傳記小說近代志乘以補之名曰水經廣注手自屬稿未暇成也詩古文直抒性靈不假修飾書法初宗北海後師東坡晚年自謂窺古人用筆之妙所書碑碣盛行吳下與習禱等修府志著有艮齋詩文集卒年五十八峻少貧甚數歲時借人書讀日受訾詈後堯清要不名一錢歸田後猶以教授自給環堵蕭

然門無雜賓清風特操雅俗推服子本智由肝貽令遷桃源

河務同知

錢大昕墓志參自敘

孫大棟浙江常山巡檢嘉慶二十四年

襄辦賑務以勤慎稱權知常山縣事治獄明允道光初以年

老乞休

家述

趙嗣孝字太原祖士功生二子世鐸世鉞世鐸字聖傳登進士

志高氣銳每云當使科名以人重勿使人以科名重年未四

十卒以世鉞長子嗣卽嗣孝也嗣孝父歿母陳欲殉嗣孝哀

籲乃以天年終母歿廬墓雍正五年以賢良方正薦教習宗

學授青陽教諭升鹽山知縣未赴卒疾亟時以田千畝分給

本生諸弟七八鄉里稱之十三年旌門

府志

子宏誠字晉陽持

常昭台志稿

卷二十六

人物之五

耆舊

聖

躬端謹刻志勵學年逾八袞不衰乾隆丙午鄉試 賜舉人

明年會試

賜檢討卒次宏漳字潤夫貢生亦以孝友稱

言志

錫孝字寶文父世鉞字憲章強學績行喜爲詩錫孝雍正甲

辰進士任常州府學教授以艱歸服闋補鎮江府學卒於官

錫孝性行謹質少攻苦力學制義贈炙人口講求吏治著賦

役議通達古今眾咸趨之

陶志稿

承孝字漢忠號謹凡錫孝弟

幼讀論語君子喻於義章問塾師曰喻字關頭當作何把握

師大驚異甲辰與兄錫孝同舉京兆嘗以平昔講求經世要

務著萬年保泰鴻謨欲獻未果徵試博學鴻詞亦報罷乾隆

己未成進士年五十四矣不樂爲吏請授教職選常州府教

授勤懇訓士如其兄晉陵稱二趙焉時博野尹會一視學江南咨以學政永孝力請行小學謂內外篇該括經史爲學者造道之基尹韙其言亟施行焉卒於官著有鑑古堂文集詩集府縣志子琦璟璟後更名王槐

蔣溥字質甫號恆軒廷錫長子雍正庚戌二甲一名進士改庶吉士直南書房襲一等輕車都尉連丁內外艱服未闋授編修充日講起居注官進侍講擢左春坊庶子升侍講學士已未充會試同考官未撤闈遷內閣學士升吏部侍郎兼刑部侍郎辛酉典浙江試壬戌充經筵講官旋署湖南巡撫楚南舊不知蠶織溥涖湘之歲長沙諸處野蠶成繭大者如

常昭合志稿

卷二十六

人物之五

晉唐

聖

雞卵纒治之每顆得絲數銖因下令民間收採遺種教以飼蠶練絲之法明年蠶事大興於時湘省制錢缺乏民多盜鑄又薄且小雖嚴禁不少息溥察知辰永山谷間多產銅試採有驗遂奏請設鑪開局鼓鑄兼買黔粵餘銅廣儲工本錢出益饒餉需悉資配撥餘者發肆平賣俗用小錢悉以官錢易歸鑪治盜鑄之風不禁自止洞庭湖濱文洲園故官地也豪民爭占爲私產植芟養魚歲收厚息往往結訟溥親往履勘爲築隄加防成上腴田萬餘畝分給貧民耕種限以三年起科利興而訟衰止嶽麓有南軒書院年久傾圮規而新之奏請御書道南正脈扁額懸於講堂延名宿爲山長校諸生

之秀者進院讀書一時彬彬稱盛越二年仍入爲吏部侍郎
軍機處行走戊辰充會試總裁進戶部尙書加太子少保癸
酉七月淮揚水災有 詔截留江蘇漕米四十萬石復酌留
本年秋撥銀兩以備賑濟溥慮秋撥冊檔到部尙遲請將春
撥所留協濟鄰省之項先儘本省濟用得 旨俞允賑務無
誤旋兼署禮部尙書協辦大學士掌翰林院事己卯正月晉
東閣大學士兼戶部尙書庚辰復充會試總裁時已得疾日
益劇以辛己四月卒於位溥性寬厚而警敏自通籍後精心
奉職凡所陳奏無不深契 上旨前後 賜扁額曰經邦濟
美曰韋平世澤及疾 變輿臨視者再及卒復 親臨奠醊

常昭合志稿

卷二十六

人物之五 耆舊

四

入門哀慟悲感左右加贈太子太保入祀賢良祠並祀鄉賢
祠諡曰文恪 聖駕南巡追念溥世臣舊勞歷次遣官至墓
所致祭子櫬賜棨尙桓元樞惟枚大椿 石府志 參自志 櫬字作梅溥

長子乾隆辛未聯捷進士選庶吉士授編修分校會試典山
西雲南鄉試尋擢司業翰林侍講旋丁外艱襲輕車都尉卽
家授左副都御史晉兵部侍郎以疾卒於位 賜祭葬如禮

櫬歷司文柄勤於職業盛年遽沒人咸惜之 言 賜棨字戟門

溥仲子幼喜讀書稍長庀家政敏而不煩起家知楚雄府調
雲南府護鹽法道以父憂歸服闋授廣饒九南道調江安糧
道兼攝常鎮道管理場關擢兩淮鹽運使調山東鹽運使超

擢倉場侍郎調戶部右侍郎承襲一等輕車都尉管理順天府府尹事務轉左侍郎以事落職踰年復補府尹兼任倉場侍郎復任戶部左侍郎管府尹事如故兼管樂部 賞戴花翎賜榮精強重密知人有容歷筦鄉郡不拘常例縮農部治畿輔垂三十年條奏多見施行嘉慶辛酉以世職前往裕陵守護旋丁母憂 恩命回籍守制將行卒於京邸年六十

九蘇去疾志墓元樞字仲升溥四子乾隆己卯舉人任福建知縣

歷升臺灣知府重建木城培單為複濱海處增創堞樓礮臺規畫經久護理學政添立澎湖人應試者為澎字號歲科取進一名增葺文廟學宮禮樂器皿咸備俸滿歸卒言志惟枚字

常昭合志稿 卷二十六 人物之五 耆舊 望

春巖溥五子好學工詩氣體清羸言勅整肅無貴介習以例

分發福建知州迴避改浙江歷署州縣丞倅所至有聲借補

諸暨縣築湖隄興書院卓薦侯升遽卒言志大椿溥六子候補

府同知人亦端謹風雅拂子日烜永盪知州繼耀通判言志賜

榮長子繼勳字培元由四庫館膳錄授石屏知州調元江知

雲南府擢雲南鹽法道改金衢嚴道丁父艱服闋襲一等輕

車都尉授河南糧道升雲南按察使調廣西未上改調浙江

兼攝巡撫布政使擢河南布政使 詔褒全汴隄功 賞花

翎權巡撫移任安徽以失察降刑部郎中旋歸里繼勳為政

持大體前後賑卹救畜勤敏周悉凡活金華諸郡亳州諸邑

被水民各數萬計居鄉謙和愛延接寒素每出游田父野老
有呼其幼時字者輒改容禮之顧千里志墓子嘉璋字宜齋例授

知縣歷任龍游東鄉嶧縣均有惠政督修海塘出家財以助
役與上官不合罷歸家述賜棨仲子繼煥字仲文由四庫館膳

錄授工部主事歷郎中出知曹州府擢督糧道以曹州任內
失察落職投効湖南征苗軍營凱旋敘功復知曹州府丁父

憂服闋揀發廣東署高廉道沒於任繼煥善治盜屢決疑獄
從軍征剿獲逆首石三保復奉檄安撫峒苗釋裔從甚眾再

至曹州值河決曹單兩縣悉力堵禦尅期合龍并疏微山諸
湖以導水勢親詣災區辦理撫卹無濫無遺子嘉瑞湖北興

常昭合志稿

卷二十六

人物之五 首節

吳

國知州家述賜棨三子繼輝字朗峯以廕生官兵部員外郎派

裕陵工程監督奉旨以軍機章京候補旋授刑部雲南
司員外郎援例以知府用未幾卒繼輝性倜儻不屑屑於世

務及論生民利病無不了然於中生長貴胄而謙恭下士居
鄉尤敦厚周慎無子以仲兄次子嘉珍嗣會涉志墓嘉珍字珠船

善畫蘭衣帽蘊藉有名士風家述

謝晉字日三號勉廬祖爾綱父錫蕃歲饑爲粥食餓者晉時五
歲進曰糜薄恐不飽又不得懷去不若易以餅祖父大奇之

年十七補弟子員及雍正丙午舉於鄉年五十二矣爲人和
易篤於倫理侍母病衣不解帶者經年與兄庠生毅弟舉人

發式好終其身後以明通榜除碭山教諭碭之諸生往往爲
吏胥陵轢晉申狀學政飭郡守按諸姦猾士氣爲振嘗受郡
檄捕蝗晉默禱於神次日蝗盡墮地死士民咸愛仰之歸里
後鬻鑠如壯盛時請業耆手披口講無厭忘年九十歲無疾

令終

佛齊惠墓志

子祖庚字韞輝幼承父教著有文譽乾隆戊午

魁京兆試選知雲和縣調奉化植善鋤奸境內大治庚午壬
申分校浙闈既撤棘迎父晉至錢塘祖庚率門生謁見捧觴
上壽侍遊六橋扶攜登陟傳爲佳話孫嘉唐廩貢

家畧

丁斌字維翰父湜與同志創建育嬰堂廣仁局力行不倦斌從
吳士玉遊爲入室弟子公車入都同里蔣文肅延之爲師登

常昭合志稿

卷二十六

人物之五

耆舊

七

雍正丁未進士選知休寧縣時州縣爭尙操切斌以古法化
導以事件上官罷歸僦居五渠家徒壁立卒年七十六幼子

晉高邑諸生工詩貧困死

陶傳畧

王琛字匪石峻從父少勤學能文章以監生修書武英殿授內
江令攝灌縣西陲用師洪雅興雅州相鄰中隔崇山轉運者
必紆水道數日始達舟行激湍覆沒者衆琛奉檄通餉按驗
地圖鑿山開道旬日而功成自洪雅達雅州道止百餘里民
甚便之署榮昌脫良民被誣爲盜者十四人遷廣西全州有
農婦陳氏孀居田主迫淫之不從自經死前官不爲理琛察
其事出屍於冢按驗得實抵田主而旌婦州人大悅以老乞

休卒年八十二著有愛敬堂集四卷

彭啟豐墓志

子陸禔字介祉

寄籍太倉補諸生工詞賦嘗訪袁枚於隨園值元宵置酒高

會分韻賦詩詞旨並美後遊長沙病卒袁枚序其集深為惋

惜弟岱字次岳廩生亦工詩善畫梅

自志參觀 摩紀畧

許炳字雍之常熟人以通判借補慈谿令循聲惠政士民感德

卒於任有四松堂詩集

隋志

錢大鼎字用頤原籍吳縣編修中諧孫大鼎少遊庠屢困棘闈

年四十五以歲貢任沙河知縣值歲祲以便宜發粟賑饑民

全活無算歷官刑部陝西司郎中有殺人而投諸河者時以

疑似入阿林及莫爾呼罪大鼎以為疑覆訊具得實二人獲

常昭合志稿

卷二十六

人物之五 耆舊

吳

免醴泉縣某婦誤以殺夫坐罪大鼎以未獲屍首持之未幾

其夫歸事遂白雍正戊申保舉令下部郎得各舉一人大鼎

自陳同產弟洪文行優長試列高等以知縣用大鼎益感奮

出任順慶府復為刑部員外晉郎中昭雪疑獄平反甚著以

老乞歸卒次子廷璽字學海舉人洪亦籍吳縣孫策由進士

任贛南道曾孫棨乾隆辛丑三元

孫嗣孝字蔚庭諸生薦舉優行任葭州牧居官清操惠愛著有

循聲解組歸遇公事雖貧猶勉力如蠲賑修書院不惜解囊

鄉里重之

家述

馬燦字次周詩人邵陵外孫少貧困不得志附舟遊京師抵揚

州舟中顯者見燦在舟尾論僕譙讓舟子燦更跼躐適顯者接友人書倩人代答未卽至持書來伴促之燦問僕云何顯者問附舟者知筆札耶燦答以能乃召入舫申示以原書燦操筆立就顯者大喜細審旅况語以無憂遂偕行途中相得歡甚至京又厚贈焉寄籍順天舉雍正己酉鄉試授內閣中書軍機處行走謹慎密勿擢御史歷遷至府丞勤於職守攝京尹事以同官累降補中書升侍讀時內閣侍讀學士無漢缺軍機大臣奏請添設一員爲燦升階而燦以疾卒子重字伯厚年十七以宛平籍中式任清溪知縣重子鈺陝西籍解

元

附傳
畧

常昭合志稿

卷二十六

人物之五

耆舊

吳

錢鋆字貢金號檢亭延宅元孫父祁字秩斯恪謹修長者行嘗舉孝廉方正力辭生平以忍讓訓其家鋆以五經卷舉雍正乙卯鄉試授撫寧縣撫邑百餘年未有鄉舉者自鋆爲令教其邑士不數年舉者不絕以才調江夏羅田奸民馬朝柱與陽邏吳南山謀不軌鋆率衆搜捕犯皆就縛擢知蘄州歲大稔米踴貴鋆請出荊州儲軍米一萬斛平糶民以無饑治行累最擢知黃州府尋監司浙中以憂歸服闋補甘肅哈密道會改滿缺移陝西旋升陝西按察使調四川綜西征軍餉不一月就升布政使凡設郵傳運軍械輸輓更代下不病百姓上不誤軍國悉心調度凡五年統計金川口內口外支用軍

需八百七十一案銀五千二百五十九萬有奇勾稽考覈秩如也倥傯中不忘文教修禮殿葺講堂興書院士講學不輟奏請 陛見中途疾卒 恩加侍郎銜鑿居官怡慎宦跡所到輒繫人思其去黃州也傾郡士人舟送數百里其監司巴里坤將去者民抱哈密瓜以獻鑿祇留其一士夫嘉歎曰前有一錢太守今又得一瓜觀察送者皆涕泣而別

家狀

子受鴻

侯選運同能詩文有書城集次受椿歷任湖北陝西貴州知

府升福建臬司

石府志 參言志

趙森初名貴樸字素存號再白曾祖廷爽諸生嘗上書請減蘇郡浮糧祖茂良讀書砥行壽逾八十父友倩善醫術爲人已

常昭合志稿

卷二十六

人物之五

耆舊

五

病不責耐貧者更與之藥森九歲能屬文嘗作虞城賦數千言宿老歎服雍正乙卯舉於鄉名益高賣文長安大書榜其壁云聖賢豪傑在我不干命事功名富貴由命不干我事先嘗受知於鄂太傅爾泰及戊辰司衡者爲太傅長君知者咸爲森慶森投筆起曰試固未必遇果遇我無以自白矣竟不試甲戌考授內閣中書尋以他累罷森舉意濶遠好爲其難有乞請者罄橐周旋弗恤同年仲永檀因劾九門提督鄂善超遷僉都御史森與書以爲薦賢受上賞古有之矣劾人受高官未前聞也此位宜辭宜薦賢者時人稱之著有蔚子詩文集蔚子小學

顧鎮墓志

弟貴栻字可法工詩詞性醇謹乾隆癸

西舉人與兄同考授內閣中書遷處州府同知擢福甯知府以目疾乞歸

陶傳

森子同翼同翮同翼幼聰俊早卒同翮字

振六性至孝學有根柢乾隆乙酉舉人宰甘肅嶽縣通省捏災冒賑翮任五年獨無染及大吏重其廉調張掖有惠政潔已如故謝事後以交代不能即歸張民釀金代償歸埋故業工詩古文詞善楷法人爭師之及門成立者眾分修脯以餉親支不激不隨人敬而愛焉年六十一始舉一子為物望所歸卒時莫不惋惜

言志

常昭合志稿

卷二十六

人物之五 耆舊

至

昌平知州遷北路同知纘嘗遘疾甚劇民相率禱於神者數千人時纘不語已數日忽甦曰百姓何洵洵頃夢神言吾疾且瘳已而果愈旋調河間以老乞歸年七十三卒纘初與胡文伯寅好及歸里文伯官糧道駐常熟欲一見之纘以足疾辭其歿也文伯賻五十金始克殮云

胡文伯墓志

孫東田字容光

諸生以能文名

屈承霖字啟商常熟人祖欽字春龕忠義坦之子也縣學生攻苦嗜學執經孫永祚之門楊彝顧夢麟幃四書講旨多資欽參訂其於性理經術務力行之不徒騁講說也父永清字國士歲貢生治詩毛鄭學疏節直揚不為委曲之行屈氏自推

官輜至永清九世儒業不墜楚靳盧紘顏其堂曰九葉一經
名成霖中乾隆丙辰進士故事進士爲縣令吏部以次銓授
是歲上親簡數人以知縣卽用成霖居首初任盧龍有治
聲擢景州知州濬惠民渠築運河月隄修輯州志振興書院
癸亥畿南飢奉 詔發賑舊時每戶率賑二口成霖計口施
賑無漏者旣引病歸益力行善事首置義田贍族設安濟堂
收養男婦貧癯無依者百十人冬製絮袍給道路寒者夏具
蓆帳以施囹圄年飢則貴糴而賤出之官築海城募人擔糴
收遺骸凡五百七十四櫛埋廣仁局義冢倡修學宮規制宏
整其他修復致道觀乾元宮維摩寺前後捐貲不下數萬著

常昭合志稿

卷二十六

人物之五

耆舊

五

習是編經史參同卒年八十四

邵齊肅墓志

子曾發字魯傳少負

幹畧舉乾隆戊午鄉試隨父景州佐理幕務旣歸以親老不
復上公車凡父有營建躬董其役條約整齊工程完固人服
其精核需次得畢節令年六十矣初至黔檄署開州州有東
臯書院曾發選士肄業躬自督課又自蘇郡購書籍貯院公
餘輒爲講貫文風振起蒞畢節亦如之畢節爲三省驛路舊
例差馬每匹給銀一錢民馬匿不出曾發四倍其值民樂受
役郵遞無滯鉛厰運員多以稽遲挂吏議大吏檄曾發協運
六百萬斤曾發念誤運由於短價佐以私財運遂速肅嘗代
理府事大定土酋安照兄死欲奪嫂志而據其產嫂陸以死

自誓衆猶咸憤控之曾發懲照而獎其嫂照復以奸淫爲村民所傷所部將搆疊曾發馳諭之事遂弭以疾告歸夙精六書句股之學輯九數通考休寧戴震爲之敘又著萬言肆雅於字體異同精心搜輯值東延赴行在獻之弟曉發字曙光亦有俊才

家述

錢以銓字揆叙常熟人父鵬翔字南池歲貢生有學行著有毛詩通解廿一史要義及經疑史畧諸書以銓少承父訓力學工制義登乾隆丁巳進士授霍邱知縣地僻多盜俗又好訟以銓至悉擒治如法邑西北濱淮河頻被水災以銓親歷賑卹復修築大壩水患以平其他治水販嚴拐逃提倡文風革

常昭合志稿

卷二十六

人物之五 耆舊

三

除陋例莫不盡職越五年引疾歸卒年七十二著有崇雅堂

詩集

陶志稿

子文發湘皆諸生能世其學

程廷偉字儼山原籍休寧爲翁叔元贅婿因家常熟由貢生歷任通判陞知廣信府清理積案玉山縣奸民聚衆爲匪廷偉親督兵役搜捕擒治首惡餘衆散遣事遂定以老乞歸

陶志稿

張耒後改名嘉慶字季野京江相國玉書從孫就婚常熟邵氏因家焉性敏慎力學工文乾隆丙辰舉人教習得句容教諭句容令陸鈞廉吏也卒於官逋官帑纍纍耒經理其喪傾囊資助士民感義共輸三千金完官項覩得歸以薦升江西興安令懲游惰清盜藪擢良摘奸百廢具舉署鉛山調署上饒

所至有治績與太守忤去官未幾卒子虞字秀峯舉人官福建永安知縣工楷書亦善篆刻

陶志稿

孫夢達字中伯一字莊九祖廷璋字麗公什邡令減耗羨招流亡教民築隄捍水民甚賴之數辨疑獄才能甚著邑產茶而奸商壅遏病民廷璋力持之民乃得享其利從祖廷標字元表孝友篤舉以選貢教習官內閣中書有拙存詩集父爵昌性孝友績學工文貢生夢達性尚疏簡氣度明豁游京師以副榜補宗學教習受業陶正靖乾隆壬戌成進士待次家居研精易蘊撰讀易揆方十卷巡撫莊有恭薦舉詞賦 召試行在授中書舍人軍機處行走以勤慎稱尋除宗人府主事

常昭合志稿

卷二十六

人物之五

首傳

諸

丁祖母憂服滿補原官分纂平準夷方畧拙於治生以宦遊減產雖貧甚口不名錢卒於京觀察嚴有禧經紀其喪歸里

邵齊燾墓志

震字天威夢達從兄幼孤事母孝淡泊寡欲鍵戶讀

書終歲不入城市乾隆丙辰鄉舉後再試禮部未嘗一及貴人門幼子宗基善讀書震甚愛之下第歸已殤矣不勝悲鬱益縱意墳籍著噩夢錄其駁正史事牴牾義據精當書成旋

卒

陶志稿

